

宜公堂折獄不得私審成讞又聽兩造自相駁辨以期水落石出免致冤誣若被告者爲國中頭等大臣或事關謀篡叛亂大逆則另設上等獄司衙門特派大臣三十公同質訊用成信讞其兵制自前年敗績後土廷深悟前非力求整頓光緒八年頒定新章以爲永例雖條款紛繁而大旨不外乎倣效列國以冀安全社稷轉弱爲強意至良法至美也惟恐相習成風奉行不力空有經營之術徒存振作之名上以此求下不以此應則雖侈陳治策終是空談無補耳

法軍近耗

○頃閱循環報謂十六日海防遇來西字信息云十二日正午法人遣兵二百名馳赴

海東越南官軍望風逃潰法兵擁入城中分守險隘翌早法兵乘勝整隊往攻越人所築之新炮臺越人竭力拒禦鏖戰良久越人究因鎗炮不利爲法兵所敗棄其炮臺退入內地法兵即據而有之十四日法兵往攻富寧間仗未幾越軍不能支持紛紛潰散亦爲法兵所據據傳聞法人奪得砲臺三座大砲一百五十門鎗錢四十萬貫計值銀六萬圓所得軍火器械不計其數並搶獲砲船一艘乃法廷於一千八百七十四年送與越王者又十五日河內遞來西字信息云十日前法人督帶所募越南兵勇兩隊及法兵五十人往攻南定連獲勝仗兩次搶得大砲六門十一日復回河內駐紮據傳南定之軍初接仗時亦殊死戰惟難抵法人鎗炮故死傷累積不能支持也十二早約三點鐘時法國將軍波滑率兵二千名由河內起程往攻黑旗之駐於新地要衝者此處約距河內炮臺二十里之遙村鄉櫛比黑旗偕同越軍依村爲營築土爲營防守甚固聞法軍二千分爲四隊其一則新募之華人乃黃旗黨也餘皆法兵或參以招募之勇携有軍中大砲十六門一齊進發黑旗偵知急整隊出戰以免法人衝突自六點鐘接仗各施鎗砲聲震天地兩軍血肉相薄仍奮勇爭先不肯稍却鏖戰至下午四點鐘黑旗漸不能支遂棄營而走及夜將軍波滑率軍兩隊回河內留兩隊屯於河濱蓋河上有砲船六艘皆軍火充足可資保護也聞此役黑旗有兵約一萬二千人而終不能取勝則以軍火不足也計法軍死者十七人傷者五十人云前報又云二十一日有中國商人由海防回港述十三日法軍由南定啟程路遇黑旗黨即於

黨人從旁殺出致斃法人四百餘名十四日法人復排隊而出又爲黑旗所敗殺死七百餘人十七日法兵鼓勇出戰又被黑旗殺死二百餘

人按該華人所言與西人函信迥不相同諒以各大其詞誇張聲勢遂致朝四暮三大相懸絕使局外無由臆聞耳又香港西字報載有法元戎諭示一則茲畧譯其意如左 法國地大兵強雄視六合兵威所至攻無不克然國以仁厚乃為率旅東來原欲保護越南並非貪附土地乃互市之後越廷時侮法國同罪匪輕今故與問罪之師以征暴亂冀與越邦人士共享昇平茲者越廷之續不日告成因特諭兩國官民務當悔過自新一聽大邦約束即法國所收越南賦稅仍為保護越疆之用此後人民如敢再有違言定必驅除誅戮本元戎為國靖難心本至公凡屬上下官民無不託命於法國而法國待人以德無不一視同仁所望以後謹守和約無違庶幾凡事當聽命法邦莫謂前車之覆故也

倫敦電音 ○本月二十六日晉源報發倫敦發來電音云法國新聞紙言法國欲保護越南刻下越廷業已允許而其餘各事亦聽法國主持矣

織造接印 ○前辦江蘇織造世向在動於本月中旬到蘇暫借治浪亭以內行轅茲得蘇友遞來經書謂新權憲已於二十二日別時接印任事隨即揚香入署其原任權使立向衣間再作一二日句留即當北上云

添兵防海 ○左侯相前曾添招湘軍五千名操練備用茲因各處海防吃緊即將新募五千編分五隊着葉太守統帶以二千駐守吳淞三千駐防東粵陸續起程於本月廿二前過蘇境統領官欲酌封船隻數十艘而兵勇等將官商僱定之船業已開行者一併攔阻於是各船皆紛紛避時正狂風捲天人語喧譁失事者不可數計幸 衛中丞禁止捉船違者定按軍法諸官軍遂畏而中止然被封者已百有餘艘聞一路東來亦多滋擾云

調員差遣 ○刻得吳市友人郵報謂 衛靜淵中丞近得 左季高相國由金陵移來咨文着調撥資格最深之道府州縣兩班人員數名到寧差遣蓋因近日軍務倥傯隨在需人苟非精明歷練之才不足供軍中指臂中丞奉文之後即於知府班中遴選姚太守丙吉楊太守峴等先往聽用其 再奏陸續調赴云

吞金遇金 ○周浦同茂煤炭店主人之女年已及笄後母遇之甚虐隔昨因細事大受鞭笞女憤極尋死吞金耳墜一對金戒指一枚其父聞之百計求醫有人教以將韭菜搗熟吞下可愈吞至數斤果墮刻已無事矣

浦東多疫 ○浦東召稼樓杜家行一帶近多霍亂吐瀉之症病發時四肢冰冷筋脉收縮往往不及醫治而死向來盛行之紅靈丹時疫丸等藥服之亦不甚見效云

新人殞發 ○離南滙城三十餘里嚴家宅地方嚴某之女於本月十七日嫁於附近村莊某姓甫入青廬忽自言自語手舞足蹈伴娘囑其勿雨女置若罔聞泊花轎抵門扶新人行合禮則已影影蓬飛衫痕雪縷矣增家疑係被祟亟延巫施治詎女同益甚竟擗重髮擦置地上拳足交加不堪狼狽巫無奈跟跄而去夫安遂將女綑之靜室口給飲饑餒俟瘋疾愈後再成嘉禮云

募緣惡狀 ○六月杪有游僧二人至周浦募錢狀貌猙獰被髮滿面每店鋪必索錢百文否則肆口謾罵入耳難堪一日至某富戶家索錢十貫自朝至暮木魚聲丁丁不絕富戶弗之與僧乃出長釘一枝自貫兩頰血流如注漸將昏暈富戶央人勸之出給以青蚨二千翼始徐步而去

早稻歉收 ○浦東早稻立秋後二十日即可登場今年兩次風潮疊遭摧折以致打稻家家趁曉晴者未能繼前籌滿車之望云

石城小錄 ○明廢宮正殿上有大石一方曰血印石相傳為方正學臨刑時血濺石上者近有好事之徒忽謂石上現有天令二字筆畫雖粗依稀可辨又恐觀者不識乃於石旁加填二字一時間動城鄉來觀者衆後為左侯相所聞飭蓋一小亭遷石其上從此撫石摩挲流風不沫矣○下浮橋北有髮逆偽英王府一所近為安徽某紳所得改作會館興工之始忽有人求見某紳謂當日被擄賊中曾親見英逆以白金四十萬飭人埋殲某室中理後將與事者盡殺滅口伊因僞臥得免紳乃報官至其處開掘以次開下果與所言相符至一丈餘見列次大缸中貯清水並無所謂不動尊也○金陵自素商行令以來忽而赤日飛炎忽而金飈送爽陰晴寒煥節令乖違以致居民感受秋邪多生疫痢西風撫悴病骨支離盧醫扁鵲之

流日夕被於奔命云

坍塌館 ○京都齊化門外向有飯館一所客到求剝人來果腹生意甚盛乃入秋以來連日雨師稅駕四壁俱鬆於十一日驟震一聲門面三椽全行坍塌壓死外客一名鋪夥七人中有吳某因與人作劇匿身方桌下遇此災變幸獲生全有鄰人乞物而來亦遭此禍嗚呼慘矣

衆惡得生 ○京都東沿門外有檔房一所年久失修朽毀已甚一日大雷雨有二十七人暫避其中內一人年五十餘衣襟如丐臭不堪近衆惡之遂於門外其人以衆忿難干喪氣冒雨而出出門甫數武忽地拆山崩檔房遂倒其中二十六人無一生者斯亦奇矣

蝗虫又至 ○刻有人傳來鯉信一封披閱之則非友報事函也言城外西北一帶近忽有秋蝗蔽天而來聯絡十餘里苗禾蔬草盡作虫糧近處鄉農擊鼓鳴金持竿聚衆驅逐於草田野路間聞該處爲嬰青雨邑交界兩縣尊聞之當焦慮萬分矣

解懸宜急 ○東省黃河決口衆民被水情形雖經奏請 朝廷頒發帑項並截留漕米以慰飢民又承中國各電局并嚴藩諸善士勸賑情殷不遺餘力茲聞辦賑友人來函謂歷城利津等縣被災甚廣今已詳細查明每縣非五六萬金不可雖經盛杏蓀觀察墊發萬金而杯水車薪於事無補惟望南中諸善士節無益之資解倒懸之急耳

當堂合配 ○車前風雪寒怯蘆衣門外鞭笞痛楚刑杖古來後母之禍有爲孝子懦夫所不忍言者人欲其續絃不可不慎之又慎也河間獻縣張甲年十四父母俱亡僅遺繼母劉氏素兒悍待甲甚刻劉有親女一係前夫所生與甲年相若頗有賢名與甲友愛且不善母之所爲月初劉欲殺甲置鴆飯中女以告甲得不死劉仍不平與某尼密計尼劉之妹也因議俟夜深將甲縊斃女又以告甲大懼商於業師師曰汝且歸無恐吾當隨後至想亦不敢遽下毒手也甲去師邀一健夫偕往門已扃逾垣而入執劉而索甲得於門壁中已爲尼砍傷健夫將尼手中刀奪去師拔劍將甲救出氣已將絕越時而蘇次日投縣伸訴官怒捕尼及劉以尼持兇器論斬劉則永禁獄中又嘉女之賢以與甲本非同胞乃當堂爲之合配成夫婦焉

憲示照登 ○督辦金陵釐捐總局江南江寧等處承宣布政使司布政使梁 二品頂戴鹽運使
銜江蘇遇缺題補道朱 爲剴切曉諭事照得絲餉一項本爲釐金進款大宗蘇浙抽收落地統捐並無審
局捐款在內凡絲餉經過金陵局卡向係自行收捐歷奉行知均經查案中明通飭照章抽收乃近年來奸
商包攬繞越長江正道偷漏沿江兩道釐金以致捐收日絀當經詳明示禁在案茲奉 府閣督憲札據職
員萬鴻才等稟以在浙已購之絲未敢起運機戶停工勢將束手因查由浙運絲來甯並不經由滬地擬將
產地統完滬捐四元俟年終彙齊繳解請先於通濟門聚寶門設卡兩處凡浙絲到甯驗明貨照相符放行
入城一面將照留局等情除批示外札局如稟設局驗貨呈照存局俟定案分別辦理等因奉經於該兩門
先予設卡查驗除俟定案核飭補捐外所有零星土產土銷仍照舊章免捐凡浙絲運甯如不遵由通濟門
聚寶門兩處局卡驗明票貨而由別門繞道進城者其爲趨避取巧可知一經查獲即以私論定干重罰并
提該商究懲其蘇省絲餉運甯凡有執照者概行查驗如無大河口下開捐票應責令就近補繳正捐兩道
若無蘇省執照之絲除飭照完甯局捐款外仍令補繳蘇捐以杜巧避若江北販運土絲到甯查無下開捐
票應令補繳正捐一道該商等將本營生原所以求利息慎勿貪圖取巧與其繞道甘受其罰曷若照完釐
金供軍國之餉需台特剴切曉諭爲此示仰絲商人等知悉凡運浙絲到甯趕赴通濟門聚寶門兩處局卡
報明住址呈票查驗貨票相符放行入城照存本局註冊彙俟定案核飭補捐如票貨不符扣留稟辦其蘇
省以及江北販運絲餉到甯務遵定章分別補捐如敢抗違不遵繞漏取巧一經查獲援照浙省成案除正
捐外加十三倍罰並提該商究懲本司道言出法隨決不寬貸其各凜遵毋違特示
光緒九年七月初三日示

一家三命 ○去年靖江縣屬陳姓之子因瘋弑母一案本館已將詳細情節錄登報內茲悉當時
親族人等以案情重大一經告發深恐累及無辜因將兇手毒鎗掩埋後經選事之流赴縣控告邑尊立刻
飭役查訪一時雷厲風行鄉民盡室聚藏以避公差需索其倡議之人自知罪大急以阿芙蓉一盞了却餘
生刻聞縣中已將此案頗末備文申詳不知上憲又將如何駁詰也

津沽瑣事 ○津友函報云該處紫竹林地方有脚夫張某者爲客負一大木自河岸至廠中正在轉灣之際適有粵人自後奔至快碰木上傷及頭面粵人不咎己之內非反將張推跌地上飽以尊拳行路之人代抱不平群將粵人捧而毆之街坊恐肇事端勸其散去詎粵人去後竟邀集同鄉無賴找張復仇至廠見張在內即蜂擁而入拳足交加勢如驟雨泊廠中人上前喝散則張已受傷甚重一息僅存矣刻聞張之家屬已報官請驗不知邑尊於提訊後如何辦理也

賭博自盡 ○清江東門外王小二子年逾志學以販貨爲生入市得錢粗堪自給一日過鄰舍孫姓家聞聲聲丁丁然視之見諸客方坐作投現戲邀令入局并勸其以貨作孤注詎花骨無靈一擲而全軍覆沒王老母在堂自覺無顏可見竟潛赴河濱投水自盡其母見子不歸找尋殆遍訪知曾同孫姓賭博正欲與之理論忽有人報大開口有浮屍一具約畧其子模樣驗之信急呼漁舟撈起氣已絕矣母痛子情深定欲控官究辦經鄰人再三勸阻始自相殮了事噫賭之爲害甚哉小則資財漸耗大則性命堪虞列觀報願所書幾至南山竹簍人奈何懸牧猶奴戲而不猛省回頭也

大風拔木 ○直隸赤峯縣旱魃爲災雨師避舍封家十八姨性本顛狂至此更相助爲虐飛砂走石肆毒無涯路旁大木盡被吹折房舍坍塌者更不計其數田中禾稻零落摧殘農民蹙眉山咸謂辛苦三時難望幹年之慶云

紅顏薄命 ○福建山城吳某質本輕浮性耽游蕩妻某氏屢以婉言規勸詎吳非惟不知感悟且以逆耳難堪時占脫輻日前又以細事口角大受欺凌柳折花摧顏難消受因思夫也不良終身誰倚遂以一蕭阿芙蓉吞服斃命噫紅顏薄命千古同悲然氏竹苦口陳箴不憚再三之告則人非木石或者改悔可期何至短見遽萌竟至釵分鏡破謂之愚見不誠然歟

梁上君子 ○高資某甲曾讀書爲童子師以有烟霞癖故頭腦冬烘無人過問冷眼自守窘益甚不得已從妙手空空兒爲弟子犯露偷星已非一次隣人某乙設烟館於鎮中屢失物而不得主名私嘲之知甲所爲乃同地保入甲家搜之原贓在焉甲無可抵賴乙因稟訴某貳尹拘甲去竟笞三三下枷號示

衆當發賣時叩謂童生不可打夫童生何人也偷竊何事也既爲童生則不可爲賊以童生而行偷竊何不
可責之有

電局近聞 ○南海電局委員某大使前因虛糜公款報銷不實經盛杏孫觀察撤委接辦者爲道
庫大使郭君恭壽於十七日到海接管查得某大使報開公費多至千金而局中置辦所需僅三四百金且
細檢器用已大半不全矣又聞紹興電局業已竣工十九日即行通電其開局日期尚未定准俟有所聞再
行續報可也

賭匪毆官 ○戲教烏曹何至罪忘繹綬兄行白賴偏教辱及簪纓觀於漳州友人所報一事覺一
時上將威輕小人勢大真可謂慙不畏法目無王章者已漳州城外某巷向有賭臺屢禁未能遠絕某系戎
欲識賭徒踪跡恐衣冠而去過市招徠若輩必開風而逸乃以便服往詎若輩遠近聽已悉機關比叅戎
前往早已戛阻中途不發一言羣相毆擊叅戎受傷而返不知如何辦理也

皖省官報 ○七月十七日藩憲牌示試用訓導汪夢鯉委署阜陽縣訓導 補用巡檢司管憲昌
委署祁門大洪司 候補巡檢朱葆元委署建德永豐司 試用從九歐陽煥委署當塗大信司

鄂省官報 ○七月初一日藩憲牌示保康縣典史事務詳委儘先補用從九品未入王奎勳署理
初七日牌示事照得在省候補同通州縣各員前經本司道會詳按月考試一次自本年二月起挨次輪考
節經將取列等第列榜曉諭並發給花紅錢文在案頃接提調沈道台函知現奉 撫憲諭定於七月十
三日在考棚屆試合亟牌示爲此示仰在省各項候補承倅收令一體知悉務於七月初十日以前赴司報
名以憑填入卷面屆期散給考試毋得遲延自誤特示

續錄三洲遊記 ○行船之例每至一處先時懸出一粉漆牌如上海至香港一站若干路則牌上
標出若干路程既抵香港則將前牌撤去又易一牌則云香港至西貢一站若干里餘皆類此船主人瑪尼
斯頗謙和又有西登仲和朝夕相談頗不寂寞一路輪行甚速但見烟雲沙鳥水色波光如箭之催如梭之
擲過眼即奔輪船之行晝夜不息每歷一時可行百里晝夜十二時行一千二三百里可謂神速矣 十七

日陰午後大風旋止 在船中頗覺時甚舟行亦較緩申刻將近瓊州海面見一船沈海底僅桅杆一株露
 起上懸救命旗一方臨風颯颯知為失事者余欲令人施救船主不可曰此等事海中恒有救不勝救惟見
 有初覆之船正在危急之際則放砲板接援視此船光景已覆多日即使有人非遙即死救亦無用且該處
 下有礁石船夫立碎雖有智者亦無如之何也余歎息不已船仍前往西刻已過瓊州海面寬大一百無垠
 因風逆顛播更甚晚膳少減戌亥之交鏡東上余同仲和升船玩月但見遙天無雲碧宇澄淨團圓齊相
 如夜光珠顆從東山推起捧將上來此時海中光明不定如萬道金蛇噴波騰浪茫茫四顧天地皆空心中
 歡暢已極因口占云 萬里長風路扁舟入大荒天浮銀界水浸玉盤涼回首家鄉遠同心形迹忘海
 波渺何倚詩思正茫茫 仲和亦次韻和之云 遊子豪情壯乘輪遍八荒那知金鏡月遙想玉閨涼客
 路何堪計鄉心不可忘海天憑眺處雙影嗙若茫 吟賞方終流連未已倦情催客入艙而眠 十八日午
 前細雨未刻間風亦頓息 在舟無所事事已刻始典盥漱飲膳畢又與船主及西登暢談行海事飯後
 作書致內子擬至西貢發寄書云 別後走輪鼓浪於海天蒼莽中浮寄一身次日風濤作惡顛簸異常雖
 快境亦險境也十九清早始抵西貢旬留兩日再著征衫一路甚風平安勿念此信發于西貢俟至新加坡
 再當倒箋投報春寒料峭起居諸祈珍攝春保讀書勿令荒蕪此達即聞近佳不 此稿未完
 題與古愚司鐸地輿圖考調寄金縷曲 ○寰海天然壯看紛紛虎踞龍蟠中夏大地縱橫三
 萬里奔赴才人腕下房櫳是六蒸控駕縮地秦皇何處也使移山亦笑愚公假且論列亞西亞 半生閱歷
 供揮灑儘遊遊漢使仙槎周王駿馬蓬島神州聽訴與不似海天閒話應勝讀山經雨雅十幅雲藍包世宙
 看徐陵儼筆珊瑚架洛陽紙千金價 荊陵吳咏秋漫倚于廣德公廡
 題竹庵主人讀畫圖 ○濯魄冰壺不染塵煙霞傲暢陰身填胸礧礧愁邊句放眼營花筆底春
 風月唱酬懷勝袂江山點綴助精神閑階栽遍虛心竹儼為幽人替寫真 茅庵佳處為君留雨霽林泉景
 物幽四面屏山空雨暝橫胸邱壑拓千秋江村歸棹迷黃葉雲水孤蹤認白鷗清絕夜闌觴酒後一丸明月
 正當頭

光緒九年七月十五七日京報照錄

十五日內務府國子監廂紅旗值日無引 見 崇禮續假十日 內閣奏派驗放之王大臣 派出豫王

張之萬與廉張佩綸 帛公尙宗瑞各假滿請 安 召見軍機

三品卿銜督辦船政臣張夢元跪 奏爲遵照部章查出應行聲明各款恭摺仰祈 聖鑒事竊臣於四

月初三日到工任事查接管案內光緒八年十一月前督辦船政黎兆棠任內接奉戶部 奏定外省報銷

章程第十四條內稱各省設立機器局並閩省船政局購買輪船機器外洋鎗砲電線等件日新月異名目

不一耗費尤多既無定例可循部中無憑稽核應請 飭下南北洋大臣及設立機器局各省督撫暨船

政大臣總計常年經費若干如有添購機器經費若干雖不能限以定數亦當立有範圍事前 奏明報部

立案事後方准核銷等因現黎兆棠業經開去差使臣查船政常年用數視閩海關解欸爲衡解欸足則工

程緊而用數多解欸不足則工程緩而用數少量入爲出不能預定情形其添購機器一節自應隨時 奏

咨立案茲據提調道員呂耀斗稟稱現辦六年至八年前督辦船政黎兆棠任內銷案除已經 奏明有案

及例支各欸外尙有添製機器各欸應行照章聲明者一爲添製各廠機器添造各廠水缸爐座之欸此欸

因年來製造船身並輪機水缸均有加大故各廠機器爐座有不敷用之處隨時由廠添配計添製機器約

用銀二萬一千五百餘兩添造水缸爐座約用銀四千七百餘兩一爲修理鐵船槽並機器房之欸此項因

歷年久遠其木鐵件及機器等項不無損壞船槽爲修船所必需自應與修約用銀一萬三千五百餘兩一

爲修拓巡海快船船臺並添蓋快船機板房之欸此款因前所造只費八十四匹一百五十四匹二百五十四匹七

百五十四匹馬力各船所用現新造二千四百匹馬力快船殊不敷用若從新另造需費孔多故將來一座舊

船臺修理拓大並添蓋機板房約用銀一千兩零呈請具 奏前來經臣覆查無異除咨部查照並飭另行

彙案造銷外合將應行照章聲明各欸緣由謹會同南洋大臣大學士兩江總督二等恪靖侯臣左宗棠福

州將軍臣穆圖善閩浙總督臣何璟福建巡撫臣張兆棟恭摺由驛四百里馳陳伏乞 皇太后 皇

上聖鑒訓示謹 奏軍機大臣奉 旨該部知道欽此

十七日吏部翰林院鑲藍旗值日無引 見 芸公續假二十日 肅銘續假五日 召見軍機

山西巡撫臣張之洞跪 奏為甄別庸劣不職各員請 旨分別懲辦以肅官常仰祈 聖鑒事竊惟

守令司牧之官民生休戚所繫臣於通省屬官量材誘掖因事董戒望其濯磨振奮共作循良其有貽誤公

事難期造就者自應隨時澄汰以資激厲而端趨向查有蒲州府知府博啟信任門丁不勤政事治獄刑率

教戒不悛長子縣知縣豫謙昏鄙輕佻私收烟稅試用知縣程宏繼內行不修居官不謹候補知州姜振岐

行卑言詐妄廢公款候補知縣張文林器小性浮驕膺民社卽用知縣施朝銓心地沾味不曉官方典縣知

縣龔腹坦性非誠謹素多物議翼城縣知縣侯承熙習染過俗尙欠歷練遠應通判勸勤才具太短不勝

邊缺以上各員未便姑容相應請 旨將蒲州府知府博啟開缺留省另補長子縣知縣豫謙試用知縣

程宏繼均卽行革職候補知州姜振岐候補知縣張文林均以府經歷縣丞降補卽用知縣施朝銓文理尙

優應請以教職歸部銓選典縣知縣龔腹坦翼城縣知縣侯承熙遠應通判勸勤均開缺留省另補所遺

蒲州府係冲煩難兼三要缺應請 旨迅賜簡放以重職守典縣翼城均係部選之缺皆省現有應補人

員應請卽用外補密遠應通判係揀補之缺現經奏准改章亦應由外請補合併聲明伏祈 皇太后

皇上聖鑒謹 奏奉 旨已錄

左宗棠片 再臣前據金陵鳳凰捐總局詳報金陵下關分局查有湖南長龍砲船包攬大帶綴正倫漏厘捐

情事經臣飭委營務處候補道王嘉敏督同江寧府提訊該哨弁陳貴林供稱所帶綴正係水勇張在田一

人貪圖帶貨攬裝並向說厘金係歸綴局自完是以知情縱容取具大畧供情具詳前來臣查水勇張在田

現已潛逃該千總難保非恃無資誣飾詞諉卸相應請 旨將湖南靖州營千總陳貴林先行革職一面

飭拿水勇張在田務獲提同訊辦並澈究有無奸商暗中搭夥分別嚴行懲辦以肅營伍而重厘收理合附

片陳明伏乞 聖鑒訓示謹 奏軍機大臣奉 旨着照所請該部知道欽此

七月廿七日錢洋行情 ○英洋 七錢二分六厘五 本洋 八錢一分 銀拆 三錢八分 洋找頭 七錢二分七厘

錢找頭 一千零六十文 卡錢 一百五十一千文 衣牌 一千一百二十文

天主降生一千八百八十三年九月初五日 第二百八十七號

益聞錄

大清光緒九年癸未八月初五日

本館開設上海徐家匯

目錄

- | | | | | |
|------|------|------|------|------|
| 諭旨恭錄 | 王憲官考 | 法越立約 | 冒充巡丁 | 新竄輕生 |
| 賈娘弑父 | 烟兒作賊 | 弱女援河 | 馬島餘聞 | 地設續述 |
| 西員行程 | 西撫閱兵 | 會議洛河 | 募兵往越 | 石城風信 |
| 雌泉毀室 | 武試傷人 | 江寧府試 | 軍門勞績 | 貳井履新 |
| 永渡稻山 | 漁閘條例 | 蘇省官報 | 朱樹棠詩 | 京報照錄 |

本報每七日出二次每張本埠取錢十文外埠由代售者酌加寄費除本報房外又由各處天主堂分發賜題者各往購取可也謹白

新書出售

○本館刊印地輿圖考一書業已告竣凡在亞細亞洲之國郡風土物產人情及一切古蹟名區莫不示如指掌則若列月定價屬洋每部半圓凡願賜顧者各向售報處購其來函購取可也

本館謹白

諭旨恭錄

○七月二十一日奉

旨內閣侍讀學士員缺著豐烈補授詹事府左庶子員缺照例

將會章轉補所遺右庶子員缺著擬正之霍穆猷補授山西道湖廣道監察御史員缺著舒晉桂補授山東道監察御史員缺著鄭訓永補授克什布著以同知用欽此二十四日奉 上諭御史劉恩溥奏京城旗民婦女同設刑館賭局等情蘇州上海杭州等處亦有婦女開設烟館拐販情事請將犯罪婦女量予監禁等語著刑部妥議章程具奏欽此同日奉 上諭巡視北城御史文徵等奏待參庸劣不職之坊官請旨革職一摺北城吏目陳瀛霖守平官並有嗜好玩視命案捕務廢弛著即行革職以示懲儆欽此同日奉 上諭御史劉恩溥奏編修林國柱前於光緒五年丁憂服闋先期請咨經吏部駁斥後乃於考試試差時而求收考請飭查等語著吏部查明具奏欽此同日奉 上諭著派額勒和布張佩綸馳驛前往陝西查辦事件隨帶司員若一併馳驛欽此同日奉 上諭前因張固堯奏調已革鹽運司洪汝奎差委當經降旨允准旋據張之洞奏調仍諭令發往廣東差遣茲復據光祿寺少卿延茂戶科給事中郎純熙先後奏稱廢員乘瑕錄用臣下不得奏請並據郎純熙奏該革員釋回後潛赴天津急於奔競等語洪汝奎著毋庸發往廣東差遣欽此同日奉 上諭科道為朝廷耳目之官補闕拾遺是其專責宜如何砥礪廉隅束身自愛茲據御史劉恩溥奏滿漢科道賢否不齊難保無宵小私作招底借名擅騙等語此風斷不可長嗣後如有携帶摺底向人恐嚇者准將原人原稿扣住立即送交該地方官從嚴懲辦以儆刁風該科道等亦當各加密自顧聲名庶不致為旁人所影射也欽此同日奉 上諭京師白月前人來雨水過多物價昂貴兵民人等生計維艱殊深軫念所有八旗及綠步各營官兵及食餉之閒散宗室覺羅人等並宗室覺羅孤寡均著加恩照現放章程賞給半月錢糧其五城粥廠並著加展兩月先期開放以示體恤欽此同日軍機大臣而奉諭旨給事中郎純熙奏請旌表貞節婦女等語李祝氏閔尹氏吳周氏韓秦氏何王氏吳李氏吳馮氏均著

准其旌表朝部知道欽此

王憲官考

王憲官不知何許人，近代道觀中，往往供設其像，以爲有間必答，有求必應，降百善，驅百魔，凡人進香奉之，其報不啻倍蓰，鄉愚無知，其相傳說，祇信羽士之言，絕不究其根本，無異遇人于途，不知尊卑善惡，輒拜跪敬之，因恭至此，令人絕倒。予嘗觀孫國叔蕪部遊志，謂王憲官卽王元帥，爲二十六天將之首，明成祖時，道士周思得行其法於京師，成祖問之，親賜虛官，所求輒應，遂命設像致祭，列入祀典，是爲崇奉之始。然按列朝詩集諸書，成祖獲鼎像于東海，云係虛官之像，納入深宮，禮如賓客，據此則虛官之像，古時已有，不自成祖昉也。迨寧之述虛官，又有異於是者，謂宋徽宗時，有西蜀薩守堅，從林靈素傳法，虛官受符於守堅，得道行法，及寧官卒，無追祀之者，迨成祖時而輒應，始建天將廟一座，後改名火德觀，封守堅爲崇恩真君，虛官爲隆恩真君，歲時致祭，未嘗或廢，厥後孝宗世宗，舉皆祀之，而謂臣周洪倪文毅，建極言其妄，此係史冊所傳，傳者其晚，非齊東野語比也。竊謂成祖時而病愈，其事未必無因，借令求福反禍，求吉反凶，成祖必不肯建宮致祀，特是陰陽相克，氣體自和，轉而病愈，安知不勝同病不愈也。况惡鬼迷人，見機輒乘，或伏于物而陰施其伎倆，或附于人而妄言夫休咎，妖異百端，莫名一格，如崇尤之作祟，劉根之召見，夏統之改風波，丁義之畫江水，如此之舉，指不勝屈，果如載籍所言，其事可謂甚怪，然世人未嘗以崇尤劉根諸人，奉爲正神，其故何哉？崇尤劉根之徒，行術不經，立身卑鄙，賴鬼崇之力，以行其妖異，故雖或有驗微，亦不足以敬奉也。夫王憲官僅宋時一方士耳，方術之謬，儒者不齒，卽使虛官果有所遺，要亦魑魍魎之流，暗爲輔助，道室無端祀之，非惟長其惡德，且將見奇奇怪怪，魚出魚新，而正道亦於乎是蒙蔽矣。孔子曰：非其鬼而祭之，謂也。世之崇虛官者，豈特謂而已哉。

法越立約

○上月二十九日，字林西字報載有西貢遞到法越新約一則，茲照譯于左。大法國全權大臣與越南全權大臣訂定新約十三條，開列如下：一、越廷承認法國爲保護越南及東京之大國，二、平甸一省永歸法廷管轄，爲法人所有。三文加地方讓與法人爲屯兵駐防之地，所有瑞安砲臺亦

歸法人掌握 四在東京之越南軍當乘甲投戈以符昇平景象 五越南各官員仍着赴任視事惟當執有法國文憑 六安南各大城均有法兵駐紮以資保護 七關卡稅銀俱歸法人收取 八西貢至海內准設陸路電線 九順化京城任憑法人居住 十允准法國駐越公使隨時入宮見王而議事宜 十一紅河上下任法人設營駐守築建砲臺 十二准將廣洋通行安國 十三錢糧及通商事後日再議聞法兵往來越境未犯秋毫故越之官若民頗喜法人保護也按已上新約上月杪來電時未經法廷批准果否遵行未可逆料故本館未經率登報牒茲於初三日木埠又得電音謂法廷業已允行故法越兩國均將舍兵戎而相見玉帛矣

冒充巡丁 ○上月二十三日周浦到炮艇一艘哨官一員勇丁數人自稱奉憲緝私鄉民之販鹽來鎮者俱被奪去後經汛官察出係屬假冒立將該船及假勇押送縣中不知如何了結

新寡輕生 ○祝家橋鎮吳某務農為業有一女嫁同村祝姓去冬新寡年甫二十有七姑欲逼其再醮不從遂日遭打罵女歸訴諸父父留數日仍送至夫家不料其夫叔祝某大肆咆哮并誣以不潔之事女憤極投河自盡聞其父刻欲控官究辦云

賣娘弑父 ○白鐵光騰泉號心欺管母青鋒血濺豺狼手刃椿陰客述淮安逆子茂倫事殊足令人髮指矣清河桃源兩縣交界某村有某甲者性本凶殘人非馴善堂前二老尚在中年甲與諸無賴相習觀摩緇黑相消沾染愈甚無如田家作苦食不能堪竊思母也年輕尚謀嫁他人尚可作錢樹子因私語某乙謂吾家有寡嫂秋娘未老待價而沽託君作冰上人倘得玉鏡臺前聘錢十萬則親迎之後當以重值謝鳩媒也乙利其金遂以鴛牒千張廣布飢飢使者適懷貲耶某丙玉軫絲拋繯居求偶乃一說而成議定身價黃山峯頭之數六禮先將甲隱為收受至合卷期甲勸母省親親粧以出紅絲牽去白玉雞完甲歸家千萬思量誠恐事露而父不能甘於是轉念無良將阿家翁謀死捲其所有資夜潛逃經鄰右察悉情由報官驗殮如此鉅案想當事者亦不肯姑容也

烟鬼作賊 ○世生吾材必有用蓬蒿瓦礫詎棄遺至於暗州上癮之人則貪懶居多真如天地懸

匏不可復開矣據蘇友函報近因蘇州嚴禁洋烟大小烟館盡行閉歇所有在烟館寄食之人一時鳥盡弓藏身憑無主蝨翼之錢難覓鴉片之引又來輾轉無聊廉恥道喪於是多從梁上君子遊作妙手空空故智三尺短牆微有月一灣流水悄無人正若輩行樂及時地也以故日來竊案繁多保甲局中其忙更甚云

弱女投河

○河伯娶女一事理甚不經然好事文人傳爲典實茲得淮安友人來函謂中元日該處南鄉曹殿村有客舟停宿夜將半孤蓬穩臥夢正惺忪忽聞船後有落水聲急起視之則舟子愛女一人已入波臣之宅打撈不及次日得其屍於十里外海若爲祟亦甚謫矣

馬島餘聞

○本報前載法人轟攻馬達加斯嘉島一節當因電傳簡畧細述爲難茲得法京西報所載甚詳因續述之西五月十八日法國鴉爾高兵船初至打馬打物城該處人民見勢不佳紛紛竄避嗣見法人並無動靜人心少安三十一日又有勿勞爾兵船前往該埠土人又復驚惶風鶴滋疑遷徙殆盡僅守土官兵未敢離寸步六月初一法將伯多祿發阿底馬東至島主處按阿底馬東譯言最後所擬章程從之則和違則決裂也法將共約三款一須將該島西北疆土應歸法人保護二自二十年來法人在該島受害之事當一一賠償三島主須出允守和約確據呈交法廷以上三約限八日回音是日法領事將此意遍諭衆西人著令先期準備於是衆西人紛紛遷避走鳥飛無有留住時法國已預備大船兩艘令西人移徙船中初九日人心皇皇俟島主回信至晚八下鐘鐘聲始到所約三章島主決計不從初十日法將命燃炮攻擊并以藥包擲進城中須臾百道青烟自城內冒起法人放炮仍相聞不息近城某村落爲法人炮火焚燬可憐焦土十一日法兵登岸時守城官兵已遁去不知所往法兵安然入城如入無人之境十二日衆西人由輪艘登岸各歸寓所十四日法人于城上樹法國旗號遂佔爲已有

地震續述

○前報載意國依士基島地震一節茲續接信息云西八月初一日該島卒然地震旋天轉地到處成災壓死人民五千有奇房屋傾圮殆盡即有廬宇數椽如魯靈光屹然獨存者亦已環堵蕭然無人居住有按察司名忌理者因心滾榮華不甘仕進以故上書求退賦衡門泌水之章不意定命難回一朝慘厄間者歸然

西員行程

○前報載英國駐日本公使巴君格斯升授駐華公使一節茲據東瀛來報知上月二十二晚橫濱諸西商大設盛筵爲巴君祖餞聞巴君到滬後香港總督亦將乘輪來中與巴君面商公務云
西撫閱兵 ○昨接九江友人來函據報江西巡撫潘偉如中丞已有行文准於本月十六出轅啓節先赴九江次至饒州廣信府等處然後再赴贛州一路巡閱緝旗風假覘大將之赴桓寶甲霜寒耀元戎之威武賞罰明而軍令肅自能整飭威儀也

會議潯河

○高郵下車羅壩上游一帶同因下流阻遏宣洩無從故每屆春夏之交壩以上怒流沖激壩以下灌溉無資楊漕帥到任後見此情形特咨約 左相國前往會勘議將車羅五里兩壩次第興開特委徐仁山觀察監督云

募兵往越

○清江友人傳來雁足書謂駐紮徐州吳總統近接北洋大臣移札着招丁壯二千名赴津練習以爲水師俟技藝既精然後聽候使用總統奉文之後卽往清江招募刻下已有五百餘名觀此則中國軍機尙不可以逆料也

石城風信

○前月風暴之後據金陵友人郵報謂二十一日申酉之交忽潑墨濃雲黑來頭上天低曠野真覺探手可極未幾萬木怒號狂風大至商羊石燕飛舞空中固不惟江上石尤打頭風緊也次日風仍不息雨亦繼之各處呼號涼泝之聲洋洋盈耳至廿三日封城告退查得城內外所毀房屋不可數計所有人家高處烟囪十毀八九將軍衙署棋枰及上元縣照壁全行吹倒夫子廟前水漲尺許江頭船隻則檣折篷飛覆者甚衆各鄉田廬漂沒宛在水中箕伯之威一至於此令人不寒而慄矣

雌泉毀室

○楚城香錢巷劉志仁幼習岐黃術近則從事痘醫而名不甚著家貧無擔石儲數年前妻死遺孤雛一群時以阮籍囊空絃難續近年來積有微貲因覓娼媒娶某婦爲妻詎婦也不賢入室之後視前婦子女如眼中釘鞭撻橫施屢下折柳摧花之毒鴟鴞毀室已非一朝刻偶與之爭則反唇相譏作河東獅子吼劉見此情形氣苦萬狀徒喚奈何前日又因欺凌子女占說幅爻乃娘子軍驍劉不能以制勝之師出奇兵以壓敵於是垂頭喪氣懊惱無聊至夜竟因悶氣填膈偶僥倖而死自茲以後想子女可憐

將欲爲砧上肉矣

武試傷人 ○夫挽強命中之場危機不少蹴踏馳驅之地險事尤多觀於淮友所述一事則凡心喜遊觀者當可共鑒前車覆轍矣上月廿七日爲淮安府武試之期衆武童正在得意揚鞭駛行馬道逞奪標之手段思拔幟以歸來有鹽城武童引矢彎弓馬行更速詎禍生一旦馬忽蹶蹄將旁觀之某羽士撞倒并踏損眼角腰際數處血流如注一息奄奄經旁人將羽士昇之同巷則已殘喘僅存勢將待斃云

江甯府試 ○江甯友人投來一簡謂近日趙太守佑宸奉到 黃宗師移札定於本月初三舉行府考故各屬懷才欲試者咸摩厲以須云

軍門勞勩 ○統領北洋水師丁禹廷軍門自由申江返節烟臺之後卽統各兵船赴山海關一帶巡行間口督率營弁於海面操演泰西水陣上月中旬又鼓輪前往琿春遼巡海而茲擬沿海次第而南俟回營口駐防處所靜候傳相令旨再由之采繞三山以達南海有心人冷眼旁觀謂軍門如此舉動恐別有深心也

貳尹履新 ○新任龍游縣丞張貳尹寶元於七月十八日抵龍廿二日接印暫住復英書院俟龔叔怡貳尹枳中官眷啟程再行進署聞張君籍隸燕京爲現任閩臬張廉訪夢元令弟由閩迴避到浙人頗幹練云

水浸稻田 ○浙江湖州一屬雖以蠶桑爲大宗然耕九餘三農功並事勩四體而分五穀者固無不盼嘉麥嘉禾凡此滿隴也乃自交夏令雨水過多稻苗因而浸損嚼彼南畝生發無機今年絲既歉收秋成又復無望嗟彼赤子其何以堪

漁團條例 ○一委員到縣設局後凡縣境沿海沿江暨各港汊漁船水手人等一經該縣漁甲總來傳該漁戶立即赴局報明所管漁船長短寬窄尺寸並水手婦女名數以便入冊其有採捕裝貨出外者應即趕回補報如敢借故拒諉隱匿運玩責成漁甲漁總稟候嚴懲漁甲等扶同徇隱及得錢包庇經印委派人查出盡法懲辦以警効尤 一每縣設團一所崇明人船數較多設團兩處每局由印委遴選公正廉